

DISSERTATIO
MEDICA INAUGURALIS
DE
CALORE ANIMALIUM.

QUAM,
FAVENTE SUMMO NUMINE,
Auctoritate Dignissimi Vice-Cancellarii
NIGELLI CAMPBELL V. D. M.

S. S. T. PROFESSORIS PRIMARI, ET ACADEMIAE PRAEFECTI;

NEC NON

Amplissimi SENATUS ACADEMICI *consensu,*
et nobilissimae FACULTATIS MEDICAE *decreto,*
PROGRADU DOCTORATUS

SUMMISQUE IN MEDICINA PRIVILEGIIS, ET HONORIBUS,

RITE AC LEGITIME CONSEQUENDIS,

ERUDITORUM EXAMINI SUBMITTIT

JACOBUS GARNER, ANGLUS, A. M.

Ad diem 27 JUNII, hora 4^{ta}, post meridiem,

LOCO SOLITO.

GLASGUA E,
IN AEDIBUS ACADEMICIS
EXCUDEBANT ROB. ET AND. FOULIS ACADEMIAE TYPOGRAPHI
MDCCLV.

REVERENDO VIRO
ROBERTO MOSS DE ELSWICK V.D.M.

HUMANISSIMIS MORIBUS,

RENEVOLENTIA ERGA OMNES,

SPECTABILI:

MIHI

MULTIS NOMINIBUS PLURIMUM COLENDO:

DISSERTATIONEM HANC

MEORUM IN RE MEDICA STUDIORUM PRIMITIAS,

DICATAS VOLUI

JACOBUS GARNER.

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME
BY
JOHN B. BOWEN
OF THE
CITY OF BOSTON
IN TWO VOLUMES
VOL. I.
BOSTON: PUBLISHED BY
J. B. BOWEN, 1846.

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY
JOHN B. BOWEN
OF THE
CITY OF BOSTON
IN TWO VOLUMES
VOL. II.
BOSTON: PUBLISHED BY
J. B. BOWEN, 1846.

CALORE ANIMALIUM.

CUM hominis cujusque fanitas calore corporis sui aucto vel imminuto ut plurimum laedatur; immo vero vita ipsa animalium a calore eorum vel omnino pendeat vel saltem cum eo arctissime connectatur: Medici de caloris animalium causa anxie admodum ac merito quidem semper quaesiverunt. An autem causam hujus veram adhuc invenerint, mihi in hac dissertatione breviter inquirere placuit. Ante vero quam id aggrediamur, phaenomena quaedam, quae hanc de caloris animalium causa quaestionem dubiam valde difficilemque reddunt, brevissime notanda sunt.

ANIMALIA quantum novimus omnia plus habent caloris, quam fluidum ambiens in quo naturaliter vivunt. Pisces branchiis praediti, vermes et amphibia variant quidem calore pro varietate caloris aquae vel aeris in quo vivunt, fluidumque ambiens calore parum superare inveniuntur: superant tamen aliquantulum semper. Pisces vero pulmonibus spirantes, insecta quaedam, quadrupedes, aves, ipseque homo, calorem habent pro varietate caloris fluidi ambientis minus mutabilem, semperque fere hujus calore multo majorem.

IN diversis animalibus calor quidem diversus apprehenditur; in multis tamen, generis licet diversi admodum, calor parum differens observatur. In respirantibus nempe, quae quidem calorem habent maximum, maximeque constantem, calor vix decem gradibus thermometri Fahrenheitiani variare invenitur. Homines enim qui respirantium omnium minime calent, calent ad gradus nonaginta septem, dum aves qui maximo gaudent calore centum et septem gradus vix superare deprehenduntur.

IN animalibus vero ejusdem generis minus adhuc variat calor. Quadrupes enim a quadrupede, vel avis ab ave vix quidem duobus vel tribus gradibus differre observatur.

IN animalibus itidem ejusdem speciei, utcunque haec aetate, sexu, temperamento, vel statura differant, calor fere idem deprehenditur.

IN individuo denique quoque, corpus totum in omnibus sui partibus aequaliter omnino calet. Neque enim cor ipsum nec pulmones alio quovis viscere calidiores deprehensae sunt. Partes quidem externae utpote aeri frigido expositae internis frigidiores aliquando inveniuntur, eadem vero ab aere frigido satis accurate mu-

nitae non multum vel nihil omnino internis frigidiores deprehenduntur.

Ex phaenomenis hisce abunde constat animalia omnia causam caloris in se habere; de hujusce vero in diversis animalibus adeo similis inque omni ejusdem animalis parte adeo aequalis natura, philosophi ac medici in sententias varias et discrepantes omnino iverunt.

QUIDAM de sanguinis motu quodam intestino multum commentati sunt; qualis vero sit ille motus, an re quidem vera in sanguine existat vel an calori generando satis idoneus sit vix satis definite dixerunt. Accurate quidem magis et cum quadam veri specie vir ornatissimus JOANNES STEVENSON alique motum illum intestinum qui sanguinis putredinem comitatur animalium caloris causam esse asseverarunt. Putrescentia enim caloris nonnihil plerumque generant animaliumque sanguinem in putredinem perpetuo vergere consentiunt jam omnes. Veruntamen an sanguinis putredo sit vera caloris ejus causa merito adhuc dubitandum est. Fluida enim putrescentia quantum novimus omnia calorem magnum nunquam generant, semper saltem illo qui in animalibus quibusdam generatur multo minorem. Solidiora etiam quae lente putrescunt parum omnino caloris concipiunt. Fluida autem vivi animalis lente ad-

modum putrescunt, calorigue ideo generando minime idonea videntur. Corpora porro ipsa animalium post mortem in putredinem ruentia calorem vix notabilem quidem generant, semper certe illo qui in vivo observabatur minorem.

SATIS jam ex hisce patet animalium calorem a putredine humorum sola non pendere. Quanquam vero in fluidis putrescentibus non motis calor notabilis non generetur, dicet tamen fortasse aliquis in iisdem ut in vivo animali fit motis, calorem satis magnum excitari posse, et majorem forte illo qui in fluido non putrescente nasci potuerit. Verum ne hoc quidem probabile videtur. Etenim nullum novimus exemplum ubi calor fluidi putrescentis motu ejus quocunque augetur. In homine porro calor pro putredinis ratione minime semper augeri videtur. In scorbuto enim humores longe praeter modum putrescunt, at nisi febris simul adfit, calor naturalis aut vix aut ne vix quidem augetur. In febribus inflammatoriis calor quidem multum; putredo vero humorum parum omnino augetur: contra in febribus quae ob putredinem humorum auctam putridae vocantur, calor non modo non multum augetur, verum in quibusdam etiam infra gradum naturalem consistereprehenditur.

QUIBUS ex omnibus colligi potest humorum putredinem parum vel nihil omnino ad animalium calorem conferre, et quidem pauci admodum illi opinioni jam assentiunt. Plerique ex physiologis motui sanguinis soli calorem ejus potius ascribunt. Vident nempe in exercitatis et febricitantibus, motu ut videtur sanguinis aucto, calorem magnopere augeri, in quiescentibus contra animoque deficientibus calorem plurimum imminui, et cessante denique post mortem sanguinis motu calorem itidem prorsus extinguere observant. Ex quibus quidem clare satis apparet calorem a motibus qui in vivis animalibus perpetuo fiunt quodammodo pendere; quomodo autem hi motus calorem generant multum inter se dissentiunt medici.

QUIDAM calorem ex sanguinis particularum in se mutuo attritu oriri censent. At non satis vera videtur haec sententia; nam nullum fere fluidum quantumvis concussum vel agitatum calefcere invenitur. Lac quidem quod fluidum est animale agitatione aliquatenus incalefcit. Hic vero fermentatio quaedam, partiumque mixti separatio locum habent, quales in animalium sanguine minime observantur.

PLERISQUE igitur animalium calorem frictu sanguinis in vasa potius generari placuit; de hujusce vero

celeberrimi quidem dogmatis veritate merito adhuc dubitandum. Calor enim a frictione corporum tantummodo solidorum, siccorum, asperorum, durorum ac resistentium in se invicem attritorum oriri observatur, at si humoris aliquid interveniat ne minimum quidem caloris frictione generari potest. A fluidorum igitur ad vasa mollia, humida, laevia, et flexibilia attritu calorem nasci haudquaquam expectandum. Neque quidem fluidi cujusvis in solida quaecunque frictione calorem generatum fuisse ullo adhuc experimento compertum est. Dicunt quidem globulum ferreum e tormento explosum frictione in aerem incallescere; cum enim vastum emensus fuerit spatium, ad terramque conciderit calere invenitur. At enim tum calore pulveris inflammati quo explosus fuerat, tum attritu ad latera tormenti globum caluisse necesse est, cumque per aerem iter satis longum fecerit, an plus minusve quam cum e tormento mox exierat caloris habeat, experimento nondum patefactum est. Quanquam vero in hoc unico exemplo inventum fuerit, corpus solidissimum per fluidum elasticum motu valde veloci raptum, quodammodo incaluisse, in corporibus tamen animalium, ubi solida multo sunt molliora, motusque multo tardior, idem evenire minime putandum.

IN hac sententia confirmanda atque illustranda mul-

tum nuper elaboravit vir eximii ingenii GEORGIUS MARTIN. Posito enim calorem attritu sanguinis in vasa generari caloris in omni corporis parte aequalis rationem reddere conatus est, quoniamque hanc rem se bene confecisse putat, nihil dubitat quin satis vera sit positio. Sed theoria ejus pluribus adhuc difficultatibus laborat. Primo enim calorem attritu corporum genitum in celeritatis qua corpora in se invicem moventur, simulque superficiei qua ad se mutuo applicantur ratione esse ponit. Hanc autem positionem admittere vix possumus: Experimento enim probatum est, si corpora dura et aspera vi satis magna vel si corpora molliora aliquanto ac laeviora velocitate satis magna in se invicem atterantur, utcunque parva vel angusta fuerit superficies qua se mutuo contingant, calorem satis magnum elici posse. Cum vero corpora non dura valde et aspera vi parva et praesertim velocitate parva in se invicem moventur, quantumvis amplificetur superficies qua se contingant, calor notabilis non generatur. Calorem ergo frictu generatum in celeritatis esse unaque superficiei ratione concedi nullo modo potest. Neque quidem, ut vult clarissimus MARTIN, amplificatio superficiei quaecunque celeritatem valde imminutam compensare potest.

Secundo posito calorem attritu genitum in superfi-

ciei esse celeritatisque simul ratione demonstrare motus est, sanguinem in corpore humano per vasa ramificata ita distribui, ut superficies qua ad vasa applicatur eadem semper qua minuitur ejus celeritas ratione amplificetur. Sed neque hanc rem feliciter ut mihi quidem videtur, confecit. Nam vasorum mensuris, fallacissimae omnino rei, nimium fusus est. Arterias in vivo animali metiri non licet; quoniamque in mortuo contrahuntur ac diametro imminuuntur, antequam quivis eas metiri potest, injectione iterum repleantur oportet. At vero neque vim cordis qua vasa in vivo impleri solebant adhibere novit anatomicus, nec cum vim satis magnam adhibuerit, potest quisquam vel solertissimus quidem efficere, ut vasa omnia eadem, qua corde solebant, ratione dilatentur. Vasorum enim densitas, distantia a loco primum injecto, sanguinis elotio, emollitio partium, frigus, putredo, morbus denique praegressus, haec quidem omnia injectionis aequalitatem variare multumque turbare possunt. Ex mensuris ideo vasorum in mortuis arte repletorum, de eorundem in vivis mensuris nihil quicquam certi colligi potest. Mensuris quidem, quas vir nobilissimus at theoreticus omnino KEILIIUS, vel ipse acutissimus MARTIN ex vasis injectis desumpsit, parum certe fidentum est; multoque minus adhuc illis, quas ex celeberrimorum quidem anatomicorum EUSTACHII et

RUYSCHII tabulis fumpsit, credendum est: in hasce enim tum anatomici, tum pictoris, tum chalcographi errores plurimae irrepsisse possunt. Quid? quod mensurae ipsae non eandem ubique inter truncos et ramos vasorum exprimunt rationem, quoniam vero varietates non magnae observantur, eas anatomici, pictoris, vel mensurantis erroribus attribuit ingeniosus MARTIN. At temere admodum, ut mihi quidem videtur, facit, nam donec in corporibus pluribus et a diversis anatomicis mensurae illae examinatae fuerint, dubium omnino erit, an varietates, quas ostendunt mensurae, varietates sint revera existentes, an erroribus modo dictis tribuendae. Ex quibus omnibus patet, omnia illa quae vasorum mensuris superstruxit clarissimus MARTIN, vel penitus corruere, vel saltem fundamento infirmissimo inniti.

FAC autem capacitatem ramorum conjunctam, eam ubique ad capacitatem trunci, quam vult, rationem habere, innumerabilia tamen sunt loca, ubi in ramos inaequales dividuntur trunci, eoque fit, ut vasa eadem capacitatem varie a corde distent; sitque quamvis in hisce omnibus aequalis superficies, tamen eandem esse sanguinis velocitatem, nemo certe dixerit, ideoque si aorta in ramos aequales divideretur, aequaliterque minueretur eorum capacitas, frictio aequalis esse nullo

modo posset, ita in diversis systematis partibus inaequalis sit attritus necesse est, quoniamque in omni parte idem est calor, cum ex frictu hoc inaequali haud pendere merito colligimus.

PHYSIOLOGI quidam, dubitantes calorem a fluidi in solidum frictu oriri posse, in vasis tantum minoribus, calorem generari censent; quippe in quibus, solidae sanguinis particulae singulae lateribus completuntur, adque illa atteruntur: frictione igitur solidi quasi in solidum calorem hic generari volunt. Verum in animalium sanguine, an revera sint particulae solidae adeo magnae ut solitariae semper ac singulae per vasa minima transeant, omnino dubitandum. Globuli illi rubri, qui vulgo hic assumuntur, in minores forte divisibiles sunt: molles certe sunt et vasa ipsa admodum flexibilia, et tum globuli hi, interiorque vasorum tunica, adeo laevis sunt superficiei, tum velocitas, qua in vasis minoribus movetur sanguis, adeo parva est, ut hic certe ne minimum quidem caloris frictu ejus generari possit.

IN pulmonibus denique nasci calorem celeberrimis quibusdam viris visum est. Animalia enim respirantia maximo gaudent calore; calorem etiam pro fluidi ambientis vicissitudinibus minus mutabilem habent. Immo pisces respirantes eundem fere, quem animalia terrestria possident calorem. Animalia denique respirati-

onis organis suppeditata, dum in foetus sunt statu, aëremque non respirant, calore externo ad calorem vitamque suam sustentandam omnino indigent. Speciosa haec quidem videntur, animum vero haud satis explent. Pisces enim, qui aere non fruuntur, caloris aliquid generant; respiratio ergo calori generando non prorsus necessaria est. Calor quidem maximus cum respiratione connecti videtur, hanc autem illius causam esse, ex eo effici nullo pacto potest. Pullus etiam dum in ovo includitur plurimum generat caloris, etenim calorem suum, absente matre, aliquandiu conservare valet, imo tamdiu, ut ovum omni caloris principio expers, intra id tempus omnino frigesceret, hoc cum vi sua vitali facere ait ingeniosissimus REAUMUR. Etsi vero per se calorem suum non diu retinere possit, id tamen, non respirationis defectui, verum corporis vix adhuc formati imperfectioni, potius ascribendum est. Ubi enim ab ovo excluditur pullus, calore externo, donec perfecta satis ac valida facta fuerint organa, etiamnum foveri requirit. Animalium denique calorem in pulmonibus eorum imprimis oriri concedere vix possumus; cum in pulmone vena pulmonali, vel corde sinistro calor nihilo quam in extremitatibus, vena cava vel corde dextro major inveniatur.

QUONIAM jam satis apparet animalium calorem

in pulmonibus non generari, haud opus erit, positionibus illis, quibus caloris in pulmonibus ortum explicare conati sunt, refellendis diu immorari. Quidam acidum quodam aeris in pulmonibus in sanguinem recipi, eumque calefacere asseverant, sed neque acidi hujusce natura satis explicatur, nec ejus in aere existentia, vel saltem in pulmonibus absorptio dilucide planeque probatur.

ALII calorem ex sanguinis attritu in pulmonibus oriri dicunt, affirmantque celeritatem ejus majorem esse in iis quam in alia quavis corporis parte, quod quidem in dubium vocari potest. Dicunt illi quidem, dato tempore, tantum sanguinis transire per pulmones, quantum per universum corpus humanum, at pulmonum vasa caeteris minora sunt, itaque major sit in his sanguinis velocitas necesse est, verum id quidem, at non ex eo tamen patet sanguinis celeritatem majorem esse in pulmonibus quam in aliis quibusdam systematis partibus. Arteriae pulmonalis et aortae eadem fere sunt capacitates, eademque pariter sit in iis sanguinis velocitas necesse est, fieri profecto nequit ut sanguis majore in pulmonibus, quam in primis maximisque aortae ramis velocitate impellatur, celerius quidem in capillaribus pulmonum vasis, quam in minutissimis aortae ramis promoveri videtur; pulmones vero organum esse

ad calorem generandum speciatim accommodatum ex eo colligi nequit; quin etiam omnia quae frictioni supra objecta sunt huic obstant opinioni.

PERPENDIMUS jam omnes de caloris animalium causa sententias; constatque eas admodum dubias esse, ne dicam falsas. Id quidem solum in hac re certum esse videtur, calorem cum motibus qui in corpore fiunt quodammodo connecti, quoniamque sanguinis motus cum motibus aliis vitalibus fere semper conjunctus sit, cum caloris causam esse colligitur. At perperam, credo, hoc factum est, erroribusque plurimis occasionem praebuit. Nam motus sanguinis, immutato corporis calore, saepe, ut mihi quidem videtur, mutatur; et calor contra saepe mutatur dum sanguinis motus idem manet. Pueris enim pulsus frequentior quam adultis, calor autem idem vel minor est. In adultis diversae staturae plurimum variat pulsus, calor vero minime. In aegris quibusdam magnum simul et frequentem pulsum, sine ullo vel minimo caloris augmine se animadvertisse dicit celeberrimus SCHWENCKE. Sub febris intermittens accessione, quando frequens quidem at parvus simul ac debilis est pulsus, calorem gradum naturalem superantem, in seipso inveniebat accuratissimus MARTIN. In torpidis paralyticorum membris calor saepe imminuitur dum pulsus idem ma-

net. In hystericis denique partes externas sine ulla pulsus variatione subito refrigerari, vir in primis eximius SYDENHAM saepe observavit “ quod non raro, ait, notabilis quaedam externarum partium refrigeratio, symptomatibus his omnibus viam quasi sternit, et plerumquè non nisi paroxysmo finito depellitur: quam quidem refrigerationem haud semel isti fere, qua rigent cadavera, parem comperi, pulsu nihilominus rectè se habente.”

CLARE ex hisce patet animalium calorem a sanguinis motu non omnino pendere, et ex phaenomenis modo recensitis suspicari licet eum a motu fluidi, quod in vivi animalis nervis fibrisque motricibus, perpetuo oscillat, quodammodo pendere. Calor certe externus, dum animalia hieme torpentia ad motum vitamque revocat, id primum efficit, fluidi hujusce in cordis ac vasorum fibris motricibus motum renovando, quo fluiditas sanguini redditur, ejusque demum motus per vasa redintegratur. Frigus etiam saevum dum animal quodcunque necat, id primum facit, fluidi nervosi motum coercendo, stuporem et somnum inducendo, inde rigescunt membra stagnantque humores. Hinc fluidi nervosi cum calore nexus satis, ut opinor, constat, et forte fluidum hocce generis est ejusdem vel saltem valde analogi illi fluido ex cujus oscillationibus calor in

omni corpore pendet. At subtilem admodum ac difficilem omnino theoriam hic tango, et mihi quidem tetigisse sufficiat. Quæ hætenus a medicis in medium allata sunt animum haud explere supra ostendi; aliud igitur quoddam ad phaenomena solvenda magis aptum excogitandum erat. Quid forte id efficere possit breviter indicavi; si conatum meum benigne acceperint praeceptores mei humanissimi, quod maxime volebam, habuero.

F I N I S.

Med Hist
W4
G54
1753—
G.1